


中國方志叢書·西部地方·第三號

據清·乾隆間抄本氏影印

5k/26/23

新疆省

西陲紀事本末



成文出版社印行



10094110

中華民國五十七年三月壹一版

西陲紀事本末

定價：新台幣一二〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街一號之一

版權所有

內政部登記證內版臺業字第一一四七號

西陲紀事本末卷一

御製十全記

昨准廓爾喀歸降命凱施班師詩有十全大武
揚之句蓋引而未發茲特叙而記之

夫記者志也虞書朕志先定乃在心周禮春官

1

掌邦國之志乃在事旅熬志以道寧則無心與
事而言之然總不出夫道得其道乃能合於

天以冀承乎

貺則予之十全武功庶幾有契於斯而可志以記之
乎十功者平準噶爾為二定回部為一掃金川
為二靖臺灣為一降緬甸安南各一即今二次
受廓爾喀降合為十其內地之三叛么膺弗屑
數也前已酉廓爾喀之降蓋因彼擾藏邊界發
偏師以問罪而所遣鄂輝等未宣我武巴忠乃
遷就完事致彼弗懼而去歲復來以致大掠後
藏飽欲而歸是以罪庸臣選名將勵衆軍籌儲

向福康安等深感朕恩弗辭勞苦於去歲冬月
 即率索倫四川降番等精兵次第由西寧冒而
 雪進今歲五月遂臨邊境收復藏邊攻克賊疆
 履線險如平地渡溜要若蹄泠繞上襲下埋根
 批吭手足胼胝有所弗恤七戰七勝賊人喪胆
 及兵臨陽布賊遂屢遣頭人匍匐乞降將軍所
 撤事件無不謹從而獨不敢身請軍營蓋彼去
 歲誘藏之噶布倫丹津班珠爾等前去故不敢

出也我武既揚必期掃穴犁庭不遺一介亦非
所以體

上天好生之意即使盡得其地而西藏邊外又數千
里之遙所謂不可耕而守者亦將付之他人乃
降旨允降班師以藏斯事昔唐太宗策頡利曰
示之必克其和乃固廓爾喀非頡利之比番邊
殊長安之近彼且乞命顓思准之不暇又要敢
言和乎然今日之宣兵威使賊固意求降歸順

竇與唐太唐宗之論有所符合昔予記土爾扈
之事於歸降歸順已志言之若今廓爾喀之謝
罪乞命歸降歸順蓋並有焉以其悔過誠而獻
地功也迺知守中國者不可徒言偃武修文以
自示弱也彼偃武修文之不已必至棄其故有
而不能守是亦不可不知耳知進知退易有明
言予實服膺弗敢忘而每於用武之際更功深
思定於志以合乎道幸而五十七年之間十全

武功豈非

天貺然

天貺逾深予懼益切不敢言感兢兢惶惶以俟
天眷為歸政全人夫復何言

乾隆五十七年歲次壬子孟冬月之上澣御筆

蓋聞制勝克敵聖人貴先幾之斷討而舍服王者無用戰之師是以干羽之格七旬獫狁之征六月兩階之舞九伐之威義正仁育其揆一也

欽惟我

皇上握璇衡以春天撫蘿圖而建極月竈日際罔敢弗庭西賁南琛無不服惟茲廓爾喀者鬼遠處極邊去衛藏三千餘里其人則

其地則章亥之所未步潛吹虺毒妄肆鴟張游

食鄰封歷有年所乾隆五十三年乃敢驅其醜
類犯我藏界

天戈所指旅即遁逃鹿麕險而擇音鮒涸轍而噬

沫項經詣

闕爰輸就日之誠祝網希

恩暫緩防風之戡何期梟怯不馴狼貪反顧徒陳

魏絳之議竟渝頡利之盟先誘西藏丹津班殊
爾等而執之遂稱兵肆掠札什倫布餘賊復衆

於濟隴聶拉木絨轄邊界蓋以為地險萬里舟
車不能至也天樞九重雷霆不能及也於是鼓
角宵鳴旄頭曉落塵生紺殿三千法界之哭風
捲珠林五百修羅之劫蓮座之裝嚴頓毀靈幢
之花雨警飛律犯貪嗔心生恐怖燃烽告警闔
境戒嚴

帝用震怒曰是不可赦耳衛藏之地久隸版圖乃廓
爾喀反復非常狡焉思逞不加撻代曷禁克頑

於是

發明詔選重臣

命御前大臣領侍衛內大臣武英殿大學士一等嘉

勇公福

為大將軍領侍衛內大臣一等超

勇公海

四川總督兼兵部尚書都察院內

都御史惠

為叅贊大臣指授

方畧統率勁旅雲臺犀甲張組練於風雲羽林虎步

耀戈鋌於霜雪前旌乍轉後陣長驅滿漢索論

屯土降番諸岳無不景從響集星馳雷動五十七年正月己丑大將由青海至藏其時聶拉木賊衆先經碩隊大臣成德等率兵掩捕聚而殲焉四月乙未大將軍兵次定日復遣碩隊大臣岱森保等與成德偏師出聶拉木令曰見可而進毋輕犯險又遣川北鎮總兵官諸神保等駐兵絨轄令曰防其間出擾我後路大將軍與叅贊大臣公海親督勁兵直取濟隴而蔓延之戰

已洊及擦木我兵中秋冒雨分隊競進叅贊大
臣惠率師繼之遠瞰封泥之固預搜伏莽之戎
百道飛行三軍氣湧賊衆拒巖椒而峻壘疊石
酋以開營拔穴偷安危巢延息奎魂莫竄及血
爭飛奔走既窮阻隘斯克甲辰舉擦木次日賊
兵援至過於瑪噶爾甲山梁才梟忽鳴輶爾輶
蛇突出再接再厲殲戮無筭丁未師於濟罷揮
椿喉之長戈展攻心之上策重圍四合大纛高

懸堅壁壓於頽雲危礪摧於烈焰破一軍之甲
不待崇朝斬二丈之綏曾無踰刻凡賊衆盤踞
之所至是悉復聶拉木官兵亦克札木以進賊
衆連北軍聲赫焉由濟隴以西遂臨賊境危峯
崩嶂密箐陰森毒霧漲空警濤殷壑馬懸蹄而
不上鳥戢翼以爭迴賊衆負巉巖阻深溪我兵
仰攻矢石不及大將軍令領隊大臣副都統阿
滿泰

乾清門侍衛哲森保等率兵越我綠山疾趨熱索
橋上游縛筏竟渡士子克之餘衆退保於協布
魯我兵乘勝突入賈勇有餘三更畏鄧艾之毡
十步設劉鄩之計長矛半段奪斬鋒鏑巨刃周
遮斫營力勁駕飛橋於樹杪渡急溜於峯腰辛
酉奪其壘而據之飲馬之水皆赤燒岩之火尚
明大將軍巡其營疊視昨戰處曰其險如此非
我能克殆天佑也夫兵行愈速後路愈遠裹糧

轉戰師不宿飽伏蒙

聖天子宵旰運籌無微不燭

特命文淵閣大學士孫

自察木多馳赴前藏曰

藏中一路軍械糧餉汝其任之以工部尚書和

為駐藏大臣曰自藏以西則和之責並

命叅贊大臣惠曰毋狃於接戰其濟隴以外則惠

之責轉輸之功與戰勝之功無異也由是轉

向載塗流錢溢市負戴不絕肩背相摩征人忘